

«Проблемы воспроизводства в условиях научно-технического прогресса», изд-во АН АрмССР, Ереван, 1985, 302 с.

«Վերատառարարական պրոբլեմները գիտատեխնիկական առաջընթացի պայմաններում», ՀՍՍՀ ԳԱ հրատ., Երևան, 1985, 302 էջ:

Արդի տնտեսական պրոցեսները տեսակետ միտքը հրազեցնում են նոր որոնումներով: Դա ապահանջի է. ՍՍՀՄ տնտեսական ու սոցիալական ժամանակակից ու հեռանկարային զարգացումը, գիտատեխնիկական առաջընթացը պարտադրում են հասարակական վերարտադրության բարդ համակարգում հայտնաբերել նոր կապեր ու ներգործություններ, առարկայի քննությունը բարձրացնելով հետազոտական նոր աստիճանի, արտադրության ինտենսիվացման պրոբլեմները գիտարկել նոր շափանիշներով: Այդ պրոբլեմների գիտական լուսարանությունն է գրախոսվող աշխատությունը, որը նվիրված է ակադեմիկոս Ա. Ա. Առաքելյանի ծննդյան 75-ամյակին:

Աշխատության սկզբում ուրվագծվում է վաստակաշատ գիտնականի գիտական ու հասարակական գործունեության վերընթաց ուղին: Այնուհետև Ա. Առաքելյանը հանդես է գալիս գիտատեխնիկական առաջընթացի՝ որպես վերարտադրության ինտենսիվացման հիմքի, ընդարձակ հետազոտություններ, որում խորադիպելն քննության է ենթարկվում ՍՍՀՄ-ում վերարտադրության ինտենսիվացման հնարավորության ու անհրաժեշտության, նոր տեխնիկայի հիման վրա աշխատանքի արդյունավետության բարձրացման, գիտատեխնիկական առաջընթացի պլանային դեկավարման կատարելագործման պրոբլեմները:

Արտադրության ինտենսիվացման պրոցեսը արտադրողական ուժերի ու արտադրական հարարությունների բարդ գիշերկտիկական պրոցեսն է: Եվ ինքնին հարց է առաջանում, թե տնտեսական հարարությունների ինչ տարածքում պիտի քննարկվի էկոնոմիկայի ինտենսիվ զարգացման անհրաժեշտության հարցը: Տնտեսագիտական գրականության մեջ առաջադրված են տեսակետներ, գիտական ուրույն մոտեցումներ, որոնք տնտեսության ինտենսիվացման հարցում գերազանցատելով այս կամ այն գործոնի գերը, հանգում են նկատելի ծայրահեղությունների: Անշուշտ վրիպում են այն տնտեսագետները, իրավացիորեն եզրակացնում է Ա. Առաքելյանը, ովքեր էկոնոմիկայի ինտենսիվ զարգացման անհրաժեշտությունը կապում են ոչ թե սոցիալիզմի ժամանակակից փուլի տնտեսական օրենքների ամբողջ համակարգի, այլ ժամանակավոր կոնյուկտուրային գործոնների: Կամ էլ տնտեսական շրջանառության մեջ լրացուցիչ արտադրական ռեսուրսների ներգրավման հնարավորությունների սահմանափակության հետ (էջ 16): Հայտնի է, որ ինտենսիվացման աստիճանը վերարտադրության տարբեր փուլերում տարբեր է, որը որոշակի դժվարություններ է առաջացնում վերարտադրության պրոցեսների՝ իրեն միասնական ամբողջության, համաձայնեցված գործնական իրականացման համար: Այստեղից էլ՝ գիտնականի այն խիստ արդիական պահանջը, որ տնտեսավարության բոլոր մակարդակներում անհրաժեշտ է գիտատեխնիկական առաջընթացի միասնական ու համաչափ իրականացում: Այս առումով հեղինակը տալիս է հասարակական արտադրության արդյունավետության բարձրացման տեսական հիմնավորումը: Վերջին հաշվով արտադրության արդյունավետության բարձրացումը ենթադրում է ինչպես կենդանի, այնպես էլ առարկայացված աշխատանքի արտադրողականության բարձրացում, որը կախված է բազմաթիվ գործոններից: Վերջիններիս մեջ իր առանձնահատուկ տեղն ունի տեխնիկայի նորացման գործոնը: Արտադրողական ուժերի զարգացման պրոցեսը անընդմեջ պրոցես է, սակայն տնտեսական հասունության յուրաքանչյուր փուլ ունի արտադրության միջոցների զարգացման իր առանձնահատկությունը: Ա. Առաքելյանն այն միտքն է զարգացնում, որ արդի փուլում «տեխնիկական առաջընթաց» հասկացությունը ձեռք է բերել որակական նոր գծեր և լքել մինչ այժմ տեխնիկական առաջընթացը տեղի էր ունենում «լայնությամբ», այսպես այժմ արդեն խոսքը գնում է «գոյություն ունեցող տեխնիկական սկզբունքորեն նորով փոխարինելու» (էջ 29) մասին: Ուշադրության արժանի են գիտատեխնիկական պրոգրեսի պլանային դեկավարման կատարելագործման հետ կապված ձեռնարկությունների տնտեսական գործունեության գնահատության ու պլանային ցուցանիշների վերաբերյալ արված գիտողությունները: Ա. Առաքելյանի տեսական ընդհանրացումներն ու բերված փաստական հարուստ տվյալների վերլուծությունները ստուգության են ենթարկվում զարգացման փորձով, որը հնարավորություն է տալիս տնտեսական երևույթների ընդհանուր համակարգում հայտարարել նոր նշանակություններ:

Սոցիալիստական ընդլայնված վերարտադրության կարևորագույն էլեմենտներից է աշխատ-
 օւժի վերարտադրությունը, որպես հասարակական զարգացման առաջնակարգ գործոններից մե-
 կը: Վ. Խոշաբեկյանը, բացահայտելով բնակչության ու աշխատուժի վերարտադրության ու սո-
 ցիալիստական վերարտադրության տեմպերի միջև գոյություն ունեցող բազմակողմանի կապը,
 որի հիմքում ընկած են ինչպես ղեմնորոշիչական, այնպես էլ սոցիալական բնույթի գործոններ,
 հանդուժ է ազգաբնակչության սոցիալ-տնտեսական օրենքից բխող այն պրակտիկ եզրակացու-
 թյանը, որ Վասարակական արտադրության մեջ աշխատողների մեծացումը, որը նպատակ ունի
 տնտեսական շրջանի բնակչությանը ապահովելու լրիվ և ռացիոնալ զբաղվածությամբ, պետք է
 համապատասխանի աշխատանքային ռեսուրսների հնարավոր աղբյուրների համալրման և զրանց
 պրոֆեսիոնալ-որակական կազմին ներկայացվող պահանջներին» (էջ 53): Տնտեսագետը բացա-
 հայտում է ոչ միայն աշխատուժի վերարտադրության ժամանակակից առանձնահատկություննե-
 րը, այլ նաև նրա ապագա միտումները, որը կարևոր նշանակություն ունի մինչև 2000 թվականն
 ընկած ժամանակամիջոցում մեր հանրապետության տնտեսական ու սոցիալական զարգացման
 կոնկրետ խնդիրների լուծման համար: Աշխատանքի հասարակական բաժանումը խախտում է
 ժողովրդական տնտեսության տարբեր ոլորտների միջև աշխատուժի բաշխման «տրագիկոն»
 համաժամանկությունները: Յուրյց տալով այն տեղաշարժերը, որ կատարվել են այդ ասպարեզում
 հանրապետության մեջ սկսած 60-ական թվականներից: Վ. Խոշաբեկյանը աշխատանքային ռե-
 սուրսների «ռացիոնալ օգտագործումը» պայմանավորում է մի կողմից արդյունաբերության ու
 գյուղատնտեսության «էլուզային կատարելագործման», մյուս կողմից նրա «տերիտորիալ բաշխ-
 ման» հետագա բարելավման հետ, որոնք հնարավորություն կտան վերացնելու այն հակասու-
 լյունը, որ գոյություն ունի մի շարք գյուղական շրջաններում բնակչության միգրացիայի բա-
 ցասական սալոյի» և քաղաքներում «զբաղված սալոյի» բնագավառում: Վ. Խոշաբեկյանի վերո-
 հիշյալ հարցերի վերլուծությունները կարևոր նշանակություն են ստանում հանրապետությունում
 կատարվող ղեմնորոշիչական պրոցեսների ճանաչողական ու իմացաբանական տեսակետից:

Ընդհանրապես արդի գիտության զարգացմանը առավել բնորոշ են դառնում կոնկրետ հե-
 տադոտությունները: Դա հնարավորություն է տալիս այս կամ այն պորբլեմը ենթարկել կոմպլեք-
 սային վերլուծության և երևույթի հետադոտությունն իրականացնել հնարավորին չափ համա-
 կողմանի ու մտավոր լայն շառավիղներով: Վերարտադրությունը հենց այն տարողունակ պրոբ-
 լեմներից է, որն իր միասնության մեջ տրոհվում է առանձին մասերի, որոնցից յուրաքանչյուրն
 ունի հետադոտական իր ոլորտը: Այս առումով ուշագրավ են բնական ռեսուրսների վերարտադ-
 րությանը նվիրված Ռ. Խսխանովի և Բ. Սելվինսկայանի հետադոտությունները: Անցել են նըշ-
 ված խնդիրը հասարակական զարգացման հանդեպ «ինվարիանտ» գործոն դիտելու մտայնության
 ժամանակները: Ահա թե ինչու հեղինակները, ելնելով սոցիալիզմի տնտեսական օրենքների հաշ-
 վառման փաստից, «էկոնոմիկա—բնական ռեսուրսներ—շրջակա միջավայր» եռանկյան կապերի
 կարգավորման հարցում կարևոր տեղ են հատկացնում ապրանքադրամական հարաբերությու-
 նների ու արժեքի օրենքի լծակների օգտագործմանը:

Գրքում քննարկվում են նաև վերարտադրության այլ պրոբլեմներ: Մասնավորապես, եթե
 Մ. Միրզոյանը, անդրադառնալով շրջանառության ոլորտում տնտեսական մեխանիզմի առանձնա-
 հատկություններին, միաժամանակ որոշարկում է «տնտեսական մեխանիզմ» հասկացության ի-
 մաստային, ֆունկցիոնալ նշանակության սահմանները, ապա Յու. Սուվարյանը մեթոդոլոգիական
 նոր սկզբունքներ է առաջարկում աշխատանքի արտադրողականության պլանավորման հետագա
 կատարելագործման ուղղությամբ:

Ինչ խոսք, գրախոսվող աշխատության շրջանակներում հնարավոր չէր քննության ենթար-
 քել վերարտադրության պրոցեսներն ընդգրկող բոլոր պրոբլեմները և չի կարելի ասել, թե նը-
 րանում առաջարկված բոլոր դրույթներն են անառարկելի, որոնց շուրջ կարելի էր նաև կարծիք-
 ներ փոխանակել: Սակայն էականն այլ է. հրապարակի վրա է մասնագիտական խորությամբ
 գրված մի հետադոտություն, որը ելնում է կյանքի իրական պահանջներից և արժարծված հար-
 ցերի լուսաբանումներով համահնչյուն է ՍՄԿԿ XXVII համագումարի առաջադրած հասարակա-
 շինության մեթոդոլոգիական ուղեցույցների հետ:

ՌՌՐԵՐՏ ՍԱՐԻՆՅԱՆ
 Տնտեսագիտության դոկտոր